



# QUÆSTIO MEDICA,

QUODLIBETARIIS DISPUTATIONIBUS  
manè discutienda in Scholis Medicorum, die Iovis  
duodecima Decembris.

M. STEPHANO BACHOT,  
Doctore Medico, Præside.

*Est-ne cuivis se Medicum professio statim credendum?*

I.

**H**OMO mundi compendium, ut temperamento, sic ratione ceteris præstans animalibus, non diu cunctatur in vis, sed ut optima quæque manibus avaris prima rapiuntur, suisque numeris implentur deteriora, Sic quod longum vitæ tempus quibusdam animalibus vel deterioris notæ naturæ liberalior parens indulgit, hoc ipsum homini noverca durior invidit, ut sæpe in ipso vitæ limine vitâ cadat, ac interdum inter naturæ fingentis manus intercitat; quod si feliciter obstetricante naturâ prodeat in luminis auras, non semper extremam aut devexam ætatem attingit, sed ejus sæpè vita ante diem præter naturam præterque fatum abrupta violenter, & abrepta, cum gemitu fugit indignata sub umbras, usque adeò vitæ ac mortis confinia parvo discrimine medium ac breve quoddam temporis intervallum separat dirimitque.

II.

**H**OMINEM natum longa statim malorum sepes invadit, inde iræ & lacrymæ. Tenellulum, pusionem, & adhuc à matre rubentem morbi adoriuntur quam plurimi. Adversus tot malorum Iliadem, quibus illius vita proposita est, una Medicina

omnium scientiarum nobilissima succurrit, quâ destitutus homo omnium animalium infelicissimus foret, habent enim illa unde se tueantur & alia laceſſant, uni homini dura & immitis natura extitit, quem γυμνὸν ἔ' ἀνοπλον abjicit in nudam humum, spectatores salutantem fletibus, neque oratione primas agentem partes, sed lacrymis. Fuit ergo ars hæc liberalis & divina homini per totum illius vitæ curriculum neceſſaria, non tantum ad tuendam, sed & restituendam quoque sanitatem, sine quâ nec Regibus regna suavia, nec Ducibus fortitudo gloriosa, nec Erudito jucunda sapientia. Hanc à Deo Opt. Max. creatam nemo perfecte consequutus est præter Christum, Apostolos, Adamum, & Salomonem. Verè hæc Dei manus & munus est, ipsam aliquando naturam superans, morborum non semper medicatricem. Θεομνηστὰς jurè quis hanc disciplinam appelliter, cum versetur circa salutem hominibus dandam, ut ipsa divisum cum Deo Imperium (absit verbo injuria) quodammodo habeat. Tantæ dignitatis est, ut ipsi pareant Reges, & cui numquam impune refragentur: habet tamen ars hæc tam benefica. nec ingloria suos malevolos, qui tot beneficiorum immemores eandem proſcindunt & lacerant, sed hoc ipsi commune est cum Regibus, ut malè audiat, cum benefecerit.

### III.

**M**EDICINAM certò dari nemo negaverit, medicum non item vilis quidè, præsertim hoc ævo, Medicaltorum annona; sed γυνὸς ἡ δελφὶς μέν' ἱπποκράτης, verus, perfectus, & omnibus suis absolutus numeris Medicus avis rarissima. Non omnes qui Cytharam pulſant Cytharædi sunt, nec omnes qui profitentur se tenere Medicinæ scientiam ipsi sunt Medici. Hoc titulo urèj gloriètur, qui bonis præditus moribus, & omnium ferè scientiarum Encyclopædiâ instructus, non antè Medicinæ scientiæ sacris, ὁρῶσις ἡ ὑπὸ τῆς ἡμετέρας ἐπιστήμης, quam sophiæ litaverit, cujus studium sic Medico neceſſarium est, ut illius præsidio destitutus Ἀνίσκος, ejus famulatio cinctus inter Asclepiadas ἰσθῆς habeatur. His informatus litteris, Medicinæ operam maturè, in loco idoneo, laboris amantiſſimus navet, & in Hippocratis ac Galeni, qui veræ & Dogmaticæ Medicinæ δαδδοχοί, & statores acerrimi fuere, lectione versatus, morborum inde diagnosim, prognosim, & Therapeiam probè addisecat. Qui hæc, aut omnino

non novit, aut parçè tantum ac tenuiter, probus Medicus haberi non potest, quales sunt quam plures medicastri, qui artis, quam profitentur, ignari, aut eâ levitèr imbuti, empto levi pretio in peregrinis Academiis Doctoris titulo; aut saltem se emisse simulantes, sic ementito honore superbi domum redeunt, ut civium sanguine & divitiis saginentur. Secus se res habet in Facultate Medicinæ Parisiensis Scholarum omnium Metropoli ac verè *νοδοιμαγεῖς*, in quâ gradus ille doctoratus, non favore, non ambitu, non fæda munerum nundinatione, sed solâ virtute ac fudore multo emitur & comparatur.

## I V.

**N**EMO poreft diu vivere sanus & incolumis, sine Medico, sed in eo eligendo omnes fermè (ô perversissima hominum judicia) cæcutiunt; nemo nescire sustinet quis nummus legitimus sit, quis adulterinus ne quid fallatur in re vilissimâ, nec scire studio est quibus id, quod habet optimum, tueatur. In numismate non credit alienis oculis, in negotio vitæ ac sanitatis clausis, quod dicitur, oculis alienum sequitur judicium. Jâm salus non solum popularium nostrorum, sed & magnatum quoque committitur non veris ac genuinis Medicis, sed, ô Pudor! Agyrtis, Circulatoribus, Circumforaneis, *αἰολοδευταῖς*, Parabolanis, Empiricis, Cucullatis, aliisque Sycophantis nobilibus, qui sæpè pro remediis venena ministrant: & hi sunt Pseudomedici quos aliquando Roma suis expulit manibus, quos etiam Lutetia frequentes alit in sinu, & quibus mollis magistratuum lenitas finit, ut nostros concives impunè jugulent, nobis spectantibus & intercedentibus, sed frustra; adeo hac in re exarmata sunt jura. Hi tamen feruntur à populo, & laudantur, quos vel audacia, vel amici cujusdam favor, vel petulantis linguæ jactantia; non solidæ Medicinæ cognitio extulit.

## V.

**V**IRI sagacis, & emunctæ naris est verum Medicum à falso distinguere, rari sunt, qui sepositâ personâ judicent, & norunt quid distent æra lupinis. Verus Medicus is est, non qui totum tempus terit in congerendis carbonibus, & fornacibus ædificandis, ut inde arcana nescio quæ eruat, quibus *μοῖρα* illam *παραμύθη*, fatalem illum & decretorium diem in longum tempus protrahere se posse vanis pollicitationibus jactitat, quales extitisse

prædicant Lullum, Van-helmontium, Basilium Valentinum, Paracelsum, ac cæteras ejusmodi Medicinæ vomicas & carcinoma-  
ta, sub quibus humanum corpus plerumque plus remedio, quam  
ipsis affectibus laborat: sed qui haud similis histrionibus, *Co-  
xels*ais personam, quam repræsentant, non sustinentibus, vir  
bonus ac Deo veluti suppar, solers ingeniosus, Antiquorum Me-  
dicinæ Dogmatum Retinentissimus, Doctus plurimum, nec mi-  
nus sedulus, ad Languidos vultus officiosissimè, nec lucro in-  
hians, accedit; hunc solum Medicum Schola Medica Parisiensis  
agnoscit.

*Ergo non cuivis se Medicum professo statim credendum.*

Domini Doctores disputaturi.

M. Ioannes-Baptista Renatus Moreau, Professor Regius.	M. Franciscus Afforty.	M. Dionysius Dodart.
M. Nicolaus Pelletier.	M. Nicolaus de Iourvanci.	M. Dionysius Puyton, Phar- maciæ Professor.
M. Renatus le Comte.	M. Geymannus Freaux.	M. Ioannes-Baptista de Re- velois.

Proponerebat Lutetiæ FRANCISCUS VERNAGE,  
Parisinus Baccalaureus Medicus. A. R. S. H. 1686.

---

PARISIIS,

Apud Franciscum Muguet, Regis & Facultatis Medicinæ  
Typographum.